

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

ENEPPIA. EFFICACIA, ATQVE VSVS ANGELICÆ MAGNÆ
doctrina Paracelsica, Animalis, Substantialis atq; Elementalī, in
membris corporis fœmīnei interioribus.

Quam in margine ad plantæ præsentis imaginem admonitionem adiecimus, Angelicam scilicet hanc satiuam siue magnam, quam nos fœminā statuimus, virtutem & efficaciam præcedentis, id est maris, in corpore humano ex æquare partibus nouem, Eam hic denuo repetimus: Veruntamen vt prior species viris, ita hæc fœminis familiaris esse & benefica subintelligatur. Virtutibus autem illis commemoratis Extractum etiam quoddam ex radice, quod Anthos siue Vis animalis dicitur accedit, & cordi atq; arterijs omnibusq; earum partibus appropriatur. Hoc in seuitia pestis popularim grassantis cum aceto Sambucino, siue corallorum tinctura, quotidie tribus vicibus, mane scilicet, meridie, & vesperi, decem guttarum numero & quidem ore optime eloto, sumptum, hominem ab infectionis contagio, & veneni inflammatione tuetur. & qui Venena frigida, vt cicutam, cerusam & Mercurium sublimatum biberint, ijs simili modo, sed tamen cum oleo Sulphuris correcto, exhibitum, subuenit & medetur. Hinc Oleum

radicis, Stomacho, intestinis, & cognatis horum partibus, vt Vesicæ & intestino recto proprium destinatur. Cum aqua mulsâ propinatum, omnes humorum visciditates putrentes & membris impactas educit: nec non pituitam vitream extergit & eicit, decem guttarum numero, in oleo Vitrioli exhibitum: calculos renum & Vesicæ frangit: Vterum frigidis affectionibus languentem & fœda illuue obsessum, excalescit, expurgat & fecunditatem fœminæ confert. Sal ex radice & tota planta productum, cerebro, membranīs eius & partibus cognatis tribuitur. Oleo Solis dissolutū, si quatuordecim guttarum numero hauriat, quem pestis, vel ex aere corrupto, vel formidine concepta, inuasit, is exitum ægritudinis ipse sibi prædicet. Si enim sudauerit, conualescet, sin minus, eum liberari raro contingit. In aceto autem rosaceo dissolutum, & vesperi, Luna decrecente, viginti granorum pondere potum, epatis inflammationem restinguit: obstructions in olfactus & auditus organīs remouet, visumq; roborat.

Viscositates putridæ membris adnatæ Pituita vitrea.

Calculus renum & Vesicæ.

Pestis infectio inflammatio.

Mortis flux vitæ πνεύματι nov.

vene Cerussa Cicuta Mer sub

Epatis inflammatione obstructio organorum auditus & olfactus.

NATURA, PROPRIETAS ET VSVS ANGELICÆ MAGNÆ
doctrina Paracelsica, Corporalis, Materialis, & Complexionalis, in membris corporis fœmīnei exterioribus.

Oleago ex tota hac planta destillata, siue sola, siue (quod melius) oleo Caphuræ mixta, omnibus ferè vlcibus antiquis & rheumaticis, non sine magna admiratione præsentem adhibetur. Succus ex Semine, herba & radice expressus, atq; aq̄ ex glacie longis frigidioribus inueteratæ mixtus, intolerabiles podagræ dolores mitigat. Radix in puluerem reducta, & per nouem dies vino Cretico optimo nec adulterato macerata, tandemq; membris, vtpote brachijs, pedibus, coxendicibus, in quæ frigide fluxiones desidentes, ingentes dolores inferunt, calidè applicata, non solum dolores sedat, sed & sanguis

ni, nervis & venis calorem restituit genuinum, & malum omnino profligat. Quemadmodum ignis naturalis membrorum ambustorum feruorem extrahit: ita aqua ex planta hac destillata, omnes adustiones ab igne, oleo & aqua feruente factas, si continuo imponatur, suppurari prohibet: ideoq; ambustis et inflammatis infrigidatātia non semper utiliter adhiberi demonstrat. Planta ipsa, aqua destillata propria decocta, et epithematis modo pectori admota, mirificè cor roborat: tussis atq; alijs oppilationibus, ex fluxionibus frigidis ortis, medetur.

Vlcera antiqua & rheumatica. Oleo caphuræ. Sanguine calidiorum Nervos faciens Venas sens.

Calor non semper frigore restingitur. Quod si enim hoc ita haberet, in regionibus frigidissimis ignis nullus arsurus erat. Sed ignis igni extinguitur. Quod ex calore radiorum solarium patet.

Frigide membrorum affectiones.

Cordis confortatiuum. Tussis. Oppilationes.

CONTRA PODAGRAM.



Planta hæc, ex loco suo natali, Anno supra millesimum, quingentesimum, sexagesimo nono, quarto Iduum septembris, hora pomeridiana integre excisa est: quo tempore Saturnus in domo decima, Libra gradu duodecimo, minuto tricesimo primo, Mars vero in gradu Cancrī vicesimo octauo, minuto quadragesimo, in opposito Iouis (qui in domo prima, Capricorni gradu tertio, minuto quinto, cursum suum peregit) positum habere: & Sagittarij deniq; gradus octauus, minutum vero vicesimum ascendit. Postea adhuc virens minutim concisa, succus inde expressus & sepositus fuit. Residuum vasi optime obstructo inclusum, & in cineres exustum, quibus succus ante expressus, & duarum librarum pondere inuentus, est superinfusus: huic addita sunt aluminis vsti, Vitri ex Antimonio sufficienter calcinati & Smaragdi virore fusio, Sulphuris sublimati, ana vncia duodecim. Hæc omnia per organum A. B. quod fornacis alueolus in hoc factus C. sustinuit, destillata, & in vasculum D. tertium excepta, Domino cuidam Præpotenti, qui in vicesimum sextum annum ætatis cum podagra continenter constitutus fuerat, pannis calidis impressa, præsentem suere remedio.